

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > MARCABRU > EDIZIONE > Dirai vos senes doptansa > Tradizione manoscritta > CANZONIERE A

CANZONIERE A

- letto 2028 volte

Edizione diplomatica

[c. 29rA]

Marcabrun

D Jre uos uoill ses doptanssa. Daq(ue)st uers
lacomenssanssa. Limout fant de uer
semblanssa. Escoutatz. Qui ues proessa
balanssa. Semblanssa fai demalutz.

I ouens faill efraing ebrisa. Et amors es
daital guisa. Q(ue) pois al saut es aprisa. Es-
coutatz. Que chascus na sa deuisa. Ja pois
non sera cuitatz.


A mors fai cum la belluia. Q(ue) si mescla ab
la suia. Cart lofust ela festuia. Escoutaz.
Cel non sap uas cal part fuia. Pois que
del fuoc es gastatz.

D irai uos damor cum migna. Auos chan-
ta acellui gigna. Ab uos parla ab autre
cigna. Escoutatz. Plus sera dreicha que
ligna. Qand ieu serai sos priuatz.

A mors solia esser dreicha. Mas er es torta
ebercha. Et a coillida tal deicha. Escoutatz.
Lai on non pot mordre leicha. Plus arre-
ament que chatz.

A nc puous amors non fo uera. Pos triet
del mel la cera. Anz sap si pelar la pera. E-
scoutatz. Doussaus er cum chans de lera.
Sisol la coantroncatz.

C el qui ab amor bara. Ab diables se com-
bata. Noil cal cautra uergal bata. Escou-
tatz. Ni sap mas cum cel qeis grata. Tro

image not found https://letteraturaeuropea.let.uniroma1.it/sites/default/files/29rB.jpg 	[c. 29rB]
	que uius ses escorgatz.
	A mors es mout demalaui. Mil homes amortz deglaui. Dieus non fetz tant fort gramaui. Escoutatz. Fol non fassa lo plus sauï. Sitant fai qel tenga al latz.
	S anc amors fon car comprada. Er es enuïl tat tornada. Uirginitat a passada. Escou- tatz. Puous alprendre es alargada. Desera uos engardatz.
	A mors a usatge dega. Que totz iorns uol com la sega. Efreta delega enlega. Escou- tatz. Ninon demandara trega. Sius etz de iuns odisnatz.
	C uiatz uos qieu non conosca. Damor ses orba olosca. Sos digz aplan (et) endoscha. Escoutatz. Plus suauet poing q(ue) mosca. Mas plus greu nes hom sanatz.
Q ui ab geing ab femna reigna. Dreitzes q(ue) mals len aueigna. Si cu(m) la letra essei(n)g na. Escoutatz. Malauenturaus enueig- na. Situich nouos engardatz.	
M arcabrus lo fills nabruna. Fo enge(n)ratz ental luna. Qel sap damor cu(m) degruna. Escoutatz. Qez anc non amet neguna. Nidautra nonfo amatz.	

- letto 2525 volte

Riproduzione fotografica

Vai al manoscritto [1]

Image not found
<https://letteraturaeuropea.let.uniroma1.it/sites/default/files/29rINTERO.jpg>

- letto 382 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/canzoniere-35>

Links:

[1] https://digi.vatlib.it/view/MSS_Vat.lat.5232